

Ն. Խալեյան

ՄԻԿՈՅԱՆԻ ԱՆՎԱՆ ՀԱՅԿԱԿԱՆ ՊԱՐՏԻԶԱՆԱԿԱՆ ԶՈԿԱՏԻ ՄԱՐՏԱԿԱՆ
ԳՈՐԾՈՂՈՒԹՅՈՒՆՆԵՐԸ ՈՒԿՐԱԽԱՅՈՒՄ

1943 — 1944 թ. թ. 1

Հայրենական պատերազմի ծանր օրերին, ընկեր Ստալինը 1941 թ. հունիսի 3-ի իր ուղիղ ելույթում շարադրելով սովետական ժողովրդի պայքարի ծրագիրը ֆաշիստական Գերմանիայի բանակների դեմ, թշնամու թիկունքում պարտիզանական պայքարի կազմակերպման համար հետևյալ ցուցումը տվեց. «Թշնամու գրաված շրջաններում պետք է ստեղծել հեծյալ ու հետիոտն պարտիզանական ջոկատներ, ստեղծել դիվերսիոն խմբեր թշնամու բանակի զորամասերի դեմ կռվելու համար, պարտիզանական պատերազմը բորբոքելու համար ամեն տեղ ու ամենուրեք, կամուրջները, ճանապարհները պայթեցնելու, հեռախոսային ու հեռագրական կապը փչացնելու համար, անտառները, պահեստները, գումակները հրկիզելու համար: Գրաված շրջաններում ստեղծել թշնամու և նրա բոլոր աջակիցների համար անտանելի պայմաններ, հետապնդել և ոչնչացնել նրանց ամեն քայլափոխում, վիժեցնել նրանց բոլոր միջոցառումները»¹

Ընկեր Ստալինի կոչով, Կարմիր Բանակի հրամանատարությունն օգնություն, օկուպացված շրջանների ընդհատակյա պարտիզանական կազմակերպությունների ջանքերով, ժողովուրդը ոտքի կանգնեց մասսայական պարտիզանական կռվի: Սովետական ժողովուրդն իր ամբողջ հասակով բարձրացավ զերմանական բռնադատիչների դեմ: Պարտիզանները, որոնք ժողովրդական վրիժառուների պանծալի անուն ստացան, իրենց նպատակ էին դրել օգնել Կարմիր Բանակին՝ ջախջախելու, դուրս չպրտելու զերմանական զավթիչներին սովետական տերիտորիայից, տապալելու նրա ատելի լուծը և ազատելու ժողովուրդներին ֆաշիստական ստրկությունից:

Իր ժողովրդականությունով, լայն մասշտաբով և իդեականությամբ, հայրենական այս պատերազմում պարտիզանական շարժումն անհամեմատ ավելի բարձր աստիճանի վրա էր կանգնած, քան մինչև այդ զոյություն ունեցող պարտիզանական շարժումները: Օկուպացված շրջանների սովետական բնակչության մեծ մասը կամ անմիջապես գտնվում էր պարտիզանական ջոկատներում, կամ ակտիվ կերպով օգնում էր պարտիզանական շարժմանը:

Պարտիզանական շարժման ծավալումով կրախի ենթարկվեց նաև զերմանացիների այն կեղծ «թեորիան», որ իբր թե բարձր տեխնիկայի ներկա

¹ Անկուցված է ՀՍՍՐ Գիտությունների Ակադեմիայի Գաղափարային Ինստիտուտի գիտական սեփական, 1946 թ. նոյեմբերի 15-ին:

² Ի. Վ. Սալիկ-Սովետական Միության Հայրենական Մեծ պատերազմի մասին, 1946, էջ 16:

դարում, ժամանակակից ռազմական սպառազինությունը հագեցված բանակների կողմից օկուպացված տերիտորիաներում անհնար է պարտիզանական շարժումը: Սովետական պարտիզաններն իրենց գործողություններով հակառակը ցույց տվին: Հայրենիքի սերը, ատելությունը դեպի թշամին, ֆաշիզմը ոչնչացնելու սովետական ժողովրդի ձգտումը առաջացրին մի անեղ պարտիզանական շարժում, որը դարձավ գերմանական զավթիչներին ջախջախելու կարևոր պայմաններից մեկը:

Պարտիզանական շարժումը լայն ծավալ ստացավ օկուպացված Ուկրաինայում: Այդ շարժումը ղեկավարում և նրան ուղղություն էր տալիս ուկրաինական պարտիզանական շարժման շտաբը, մեծ Ստալինի մերձավոր զինակից, Ուկրաինական բուլշևիկների ղեկավար Ն. Ս. Քրուչչևի գլխավորությամբ:

Վերածնվեցին քաղաքացիական պատերազմի ժամանակվա ուկրաինական պարտիզանների պանծալի տրադիցիաները: Պատերազմի հենց սկզբից ժողովրդի ծոցից դուրս եկան բազմաթիվ անվանի խիզախ պարտիզաններ և պարտիզանուհիներ, պարտիզանական ջոկատների ղեկավարներ, որոնց հերոսական գործերի մասին ժողովուրդն այժմ երգեր ու առասպելներ է հյուսել: Անժողովուրդի են ուկրաինական պարտիզանական խոշոր միավորումների հրամանատարների, Սովետական Միության կրկնակի հերոսներ գեներալ-մայոր Կովաչևի, պարտիզանական կոմիսար Ֆեոդորովի, Սովետական Միության Հերոս գեներալ-մայոր Նաումովի և տասնյակ մյուս ղեկավարների ու շարքայիների անունները, որոնք պատերազմի ամբողջ ընթացքում գործելով գերմանական բանակների թիկունքում, տասնյակ հազարավար կիլոմետրեր արշավեց և ռեյդեր են կատարել օկուպացված տերիտորիաներում: Նրանք անողորմ վրեժ էին լուծում թշնամուց, ավերում էին նրա բանակի կոմունիկացիաները, վիժեցնում էին նրա բոլոր ձեռնարկումները, ստիպում էին հիալերականներին մեծ ուժեր պահելու թիկունքում՝ կոմունիկացիաների պաշտպանության և պարտիզանների դեմ կռվելու համար:

1944 թ. մարտի 1-ին, Կիևում, Ուկրաինական Դերագույն Սովետի 6-րդ սեսիայում, իբր ղեկուցման մեջ Ն. Ս. Քրուչչևը ամփոփելով Ուկրաինական պարտիզանական շարժման արդյունքները, հաղորդեց հետևյալը. «Պատերազմի սկզբից մինչև 1944 թ. փետրվարի 15-ը, միմիայն այն տեղեկություններով, որ ունի իր տրամադրության տակ Ուկրաինայի պարտիզանական շարժման շտաբը, Ուկրաինայի պարտիզանները բնաջնջել են հակառակորդի ավելի քան 175 հազար զինվոր ու սպա:

Մեր ատրտիզանները ոչնչացրել և ֆլապել են 2331 էջեր, 2330 շագթարչ, 21 գրահագնացք, 24121 վագոն, 64 օդանավ, 527 տանկ և զրահամեքենա, 30 գետային նավ, պայթեցված է 792 երկաթուղային և խճուղային կամուրջ:

Ուկրաինական սովետական պարտիզանները գրավել և պահել են մինչև Կարմիր Բանակի զորամասերի մոտենալը՝ Դնեպրի, Դեսնայի և Պրիպյատի 25 գետանցուղի, գրավել են 16 ռայոնական կենտրոն՝ Ժիտոմիրյան, Ռովենյան, Վոլինյան և Կամենեց-Պոդոլսկյան մարզերում:

Մենք հպարտանում ենք մեր խիզախ պարտիզանների և պարտիզա-

նուհինների պայքարով՝ Հպարտանում ենք պարտիզանական ջոկատների հերոսական արշավներով և ռեյդերով։

Ուկրաինական փառապանծ պարտիզանների շարքերում, թշնամու դեմ հերոսաբար մարտնչում էին Սովետական Միության ժողովուրդների շատ ներկայացուցիչներ։ Ընկեր Պրուշչեվի թվարկած՝ ուկրաինական պարտիզանների գերմանական դավթիչներին հասցված ջախջախիչ հարվածների մեջ իրենց համեստ բաժինն ունեն նաև հայ ժողովրդի անձնուրաց զավակները, թշնամու թիկունքում օկուպացված Ուկրաինայում գործած հայ պարտիզանները։ Հայտնի են հայկական պարտիզանական ջոկատների մարտական սխրագործությունները Սովետական Միության յկուպացված տերիտորիաներում, սովետական տերիտորիայից դուրս՝ Ֆրանսիայում, Հունաստանում, Բուլղարիայում, Հարավսլավիայում, Իտալիայում, Ջերուսալեմում և այլուր։

Առանձին հետաքրքրություն է ներկայացնում մարտական փառավոր ուղի անցած, ընկեր Միկոյանի անվան հայկական պարտիզանական ջոկատը, որն ամբողջ Ուկրաինայում իր կազմով միակ ազգային պարտիզանական ջոկատն էր։ Միկոյանի անվան պարտիզանական ջոկատի անձնակազմը հիմնականում բաղկացած էր գերմանական գերությունից ճողոպրած հայ կարմիրբանակայիններից և սպաններից, որոնք 1941—1942 թվականներին Կիրչի, Սևաստոպոլի, Կովկասի պաշտպանության, Պարկովի տակ տեղի ունեցած արյունահեղ մարտերի օրերին, վերավոր վիճակում կամ դեկավարությունից կտրված, ծանր պայմաններում գերի էին ընկել գերմանացիների ձեռքը։

1942 թվին հիտլերականները Լեհաստանի մի շարք քաղաքներում կազմակերպել էին սովետական ռազմագերիների համակենտրոնացման մեծ ճամբար, ուր գործադրվում էր ձեռի, տանջալից սովի, գանդաղ մահացման քաղաքականությունը։ Գերիները մասսայաբար բնաջնջվում էին։ Չնայած այդ պայմաններին, գեստապոյի դաժան հետապնդումներին, գերի սպանների և ակտիվ մի շարք ընկերների նախաձեռնությամբ ճամբարում ստեղծվում է սովետական հայրենասերների ընդհատակյա կազմակերպություն, որը լայն ագիտացիոն աշխատանքներ է ծավալում գերիների մեջ, լեհական պարտիզանների միջոցով ձեռք բերում և մասսայականացնում էր Սովինֆորմբյուրոյի հաղորդումները Կարմիր Բանակի հաղթանակների մասին և ամեն միջոց ձեռք առնում միջոց վառ պահելու գերիների սրտում հաղթանակի հավատը։

Գերմանացիները, սովետա-գերմանական ռազմաճակատներում կրած ծանր պարտությունների և կորուստների հետևանքով, մարդկային ռեզերվների սուր պակասություն զգացին, ուստի նրանք սկսեցին բռնի միջոցներով սովետական ռազմագերիներից հավաքագրել հատուկ զորամասեր գերմանական զինվորական իշխանությունների խիստ հսկողության տակ, ռազմական բեռների տեղափոխման աշխատանքներում և թիկունքային կայազորներում ներքին պահակային ծառայության մեջ օգտագործելու համար։ Այդ կարգով 1943 թ. սեպտեմբերին Լեհաստանի Պուլավի քաղաքի

¹ И. С. Хрущев—Освобождение украинских земель от немецких захватчиков и очередные задачи восстановления народного хозяйства Советской Украины. ОГИЗ 1944 г., стр. 12—13.

ճամբարից հայ ռազմագերիներին կազմված լեզեոնի մեկ վաշտ փոխադրեցին Ուկրաինա և տեղավորեցին Ժիտոմիրի մարզի Պոտիկկա շրջանային կենտրոնում՝ սկուպացիոն զանազան ծանր աշխատանքներում օգտագործելու, անգամ փորձեր կատարվեցին նրանց դուրս բերելու պարտիզանների դեմ կազմելու համար:

Բայց գերմանական զավթիչները չարաչար սխալվեցին իրենց հաշիվներում: Վաշտի ներսում սովետական հայրենասերների զաղտնի կազմակերպության ղեկավարները անմիջապես կապվում են տեղի ուկրաինական ընդհատակյա պարտիական կազմակերպությունների հետ: Վաշտի հրամանատար ավագ լեյտենանտ Արամայիս Հովսեփյանի, քաղղեկ Սուխարիչ Հարությունյանի, ջոկի հրամանատարներ Սերգեյ Սայանի և Գարեգին Բաղդասարյանի ջանքերով, վաշտի անձնակազմը նախապատրաստվում է գերմանական զենքերով կազմակերպված անցում կատարելու և միանալու այդ օրերին Ժիտոմիրի մարզի Պոտիկկայի շրջանում Սովետական Միության Հերոս, զենքալուծայոր Նաումովի հրամանատարությամբ գործող հեծյալ պարտիզանական միավորման հետ: Նաումովի պարտիզանները տեղյակ լինելով վաշտի գիտավորության մասին, սեպտեմբերի 12-ին ընդհուպ մոտենում են Պոտիկկային:

Գերմանական կայազորի հրամանատարությունը տեղեկություն ստանալով պարտիզանների երևալու մասին, փորձում է Հովսեփյանի վաշտը հարձակման ուղարկել պարտիզանների դեմ: Վաշտը դուրս է բերվում գյուղից, սակայն մարտիկները, իրենց հրամանատարի կողմից նախապատրաստված լինելով գերմանացիներին խաբելու համար, անկանոն կրակ են րաց անում օդում և իրենց ղիրքերում մնալով, անհամբեր սպասում են հարմար մոմենտի՝ պարտիզանների կողմից անցնելու համար:

Կայազորի կողմից վաշտին ուղեկցող գերմանական սպան նկատելով այս բացարձակ «սաքոտածը», փորձում է ղեկավարել վաշտի մարտական գործողությունները, հրամայում է ուժեղ կրակ բաց անել և հարձակման անցնել: Վաշտը կատեգորիկ կերպով հրաժարվում է այդ հրամանը կատարելուց: Հովսեփյանն իր վաշտը ետ է տանում, պատճառաբանելով, որ դիմացը պարտիզաններ չկան:

Դիպլոմի անհաջող դասավորությամբ այդ օրը վաշտին չի հաջողվում անցնել պարտիզանների կողմը:

1943 թ. սեպտեմբերի 15-ին Պոտիկկա են գալիս Ժիտոմիրի գերմանական ժանդարմերիայի և կայազորի հրամանատարության ներկայացուցիչները ըմբոստացած վաշտի հրամանատարին ու բանակայիներին ձերբակալելու և պատժելու համար: Ամբողջ վաշտը սպառազինված, մեկ մարդու նման կանգնում է իր հրամանատարների շուրջը և թույլ չի տալիս ժանդարմերիայից ոչ մեկին մոտենալու վաշտի զորանոցին:

Գերմանացիները զգուշանալով ավելի լուրջ միջադեպից և տեղում բավարար ուժեր չունենալով, ձերբակալությունը հետաձգում են:

Այդ դեպքից անմիջապես հետո, նույն օրը, Հովսեփյանը ջոկի հրամանատար Սուխարիչ Հարությունյանին հանձնարարում է գիշերը իր մարտիկներով աննկատելիորեն դուրս գալ Պոտիկկայից և դիշիբա ժամը 12-ին «կրակի տակ առնել տեղանքը՝ կայազորի վրա պարտիզանների հարձակման տպավորություն ստեղծելու համար», որպեսզի այդ պատրվա-

կով հնարավոր լինի վաշտը գյուղից դուրս բերել, իբր թե մարտի, և իրականացնել պարտիզանների կողմն անցնելու ծրագիրը։ Միաժամանակ մյուս շոկերի հրամանատարներին կարգադրում է, որքան հնարավոր է, շատ սպառազինություն և ռազմամթերք վերցնել կայազորից։

Ճիշտ նշանակված պահին, գիշերվա մամը 12-ին, Սուխարիչ Հարությունյանի ջոկը սկսում է իր գործողությունը, մեծ իրարանցում առաջացնելով գերմանական կայազորում։ Այդ շփոթի մեջ Հովսեփյանը 228 հոգուց բաղկացած իր վաշտը կարգի բերելով, գերմանական կայազորի հրամանատարության աչքի առաջ պարտիզանների դեմ դրոշմելու պատրվակով, բնակավայրից դուրս է բերում վաշտը և հայտնում է մարտիկներին պարտիզանների կողմն անցնելու իր որոշումը։ Մարտիկները, որոնք արդեն տեղյակ էին անցման դիտավորությանը, խանդավառությամբ են ընդունում այդ որոշումը։

1943 թ. սեպտեմբերի 16-ին Շեչենկո և Դերմանկա դուզերի մոտ հայկական վաշտը միանում է Սովետական Միության Հերոս, գեներալ-մայոր Նաումովի պարտիզանական միավորմանը, իր հետ տանելով 2 հաստոցավոր, 11 ձեռքի զնդացիրներ, 3 ակնանետ, 168 հրացան, 54 ատրճառակ, 20 հզար փամփուշտ, անհրաժեշտ քանակությամբ հանդերձանք և սպառազինություն։

Հենց նույն օրը պարտիզանական միավորման հրամանատարությունը մարտական առաջադրանք է տալիս վաշտին—ջախջախել Պոտիեկայի գերմանական կայազորը և գրավել բնակավայրը։

Հայ մարտիկները, ատելությամբ լցված դեպի գերմանական օկուպանտները, սեպտեմբերի 16-ի գիշերը, առանց հանգստանալու, հարձակման են անցնում թշնամու կայազորի վրա։ Հավ ծանոթ լինելով տեղանքին, նրանք մեծ հաջողությամբ ճնշում են թշնամու կատաղի դիմադրությունը։ Սեպտեմբերի 17-ի առավոտյան մամը 5-ին գլխովին ջախջախելով կայազորը, գրավում են Պոտիեկան։ Շաբթից դուրս են հանում գերմանական զորանոցները, հեռագրի, հեռախոսի կայանները, ռադիոհանգույցը, յուղի գործարանը, դինվորական պահեստները և այլն։ Վաշտի կորուստները կազմում են մեկ սպանված և ութ վիրավոր։

Այդ մարտում հերոսի մահով զոհված, դասակի հրամանատար Վահան Արովյանի (Իջևանի շրջանի Կոթի գյուղացի) թարմ շիրիմի առաջ հայ պարտիզանները մարտական երդում են ընդունում, կովել մինչև արյան վերջին կաթիլը, մինչև գերմանական զավթիչների վերջնական ջախջախումը։ Այդ նույն օրը պարտիզանական միավորման շտաբի հրամանով կապակերպվում է հայ պարտիզանական ջոկատը։ Հայ մարտիկներին խնդրվում է ջոկատին շնորհվում է Մեծ Ատալիների մարտական զինակից, հայ ժողովրդի արմանավոր զավակ Անաստաս Միկոյանի անունը։ Ջոկատի հրամանատար է նշանակվում ավագ լեյտենանտ Արամայիս Մելիքի Հովսեփյանը, կոմիսար՝ ավագ քաղղեկ Յուրի Աֆանասևիչ Պավլովսկին, պարտկազմակերպիչ՝ Ժորա Բաղդասարյանը։

Ջոկատի անձնակազմի սկզբնական թիվը հասցվում է մինչև 234 մարդու, որից մեծ մասը հայեր էին։ Ջոկատի կոմպլեկտավորումից ու դրանցումից հետո, պարտիզանական միավորման հրամանատար, Սովետական Միության Հերոս, գեներալ-մայոր Նաումովը «Խրուշչևի», «Ջապաեի»,

«Զերվոննի», «Կիևյան» և մյուս ջոկատների ընդհանուր հավաքի միտինգում ընդունելով «Միկոյանի» անվան ջոկատը, ջերմորեն ողջունում է հայ պարտիզաններին և բարձր գնահատական է տալիս նրանց մարտական որակին: Այդ օրվանից սկսվում են հայ պարտիզանական ջոկատի մարտական գործողությունները գերմանական օկուպանտների դեմ՝ Սովետական Ուկրաինայի ազատագրման համար:

1943 թ. սեպտեմբերի 18-ին Մայդանովկա գյուղից դուրս գալուց հետո, Ռակի խուտորում, պաշտպանության աջ թևում, Միկոյանի անվան ջոկատի երկրորդ վաշտը մարտի մեջ է մտնում միավորմանը հետապնդող գերմանական հետևակային բատալիոնի դեմ: Համառորեն պաշտպանելով իրենց դիրքերը, հայ պարտիզանները ետ են շարժվում հիտլերականների կատաղի զրոհները և ոչնչացնելով երկու ավտոմեքենա ու 20 հիտլերական, ստիպում են հակառակորդին հրաժարվելու միավորմանը հետապնդելուց:

Մյուս օրը ջոկատը լամբոջ գիշերը պաշտպանում է Բուենի-Բուչի-Սիչովկա գյուղերի միջև գտնվող անբողոքում, որտեղ պետք է ընդունվեր ուկրաինական պարտիզանական շտաբից միավորման համար յոթ ինքնաթիռով ուղարկված սպառազինություն և պետք է վերավորները փոխադրվեին սովետական թիկունքը: Գերմանացիները տեղեկանալով այդ մասին, առավոտյան, մոտ 400 զինվորով, հրանոթների տեղատարափ կրակի պաշտպանությամբ, հարձակվում են անբողոքի վրա: Միկոյանականները մեկ և կես ժամվա համառ մարտերում ոչնչացնելով 70 հիտլերականների և անբողոքում իրենց աշխատանքները ավարտելուց հետո, հրամանի համաձայն, հեռանում են դիսլոկացիայի նոր վայրը: Այդ առաջին իսկ մարտերում հայ պարտիզաններն աչքի են ընկնում միավորման շարքերում իրենց ռազմական և քաղաքական լավագույն հատկություններով: Պարտիզանական «Նարոդնի կլիչ» թիթթը սկսում է իր էջերում սխտեմատիկաբար լուսաբանել Միկոյանի անվան ջոկատի մարտական սխրագործությունները: 1943 թ. սեպտեմբերի 20-ին վերոհիշյալ թերթում լույս տեսած «Զենքերը դարձրին գերմանացիների դեմ» հոդվածում, ջոկատի կոմիսար Պավլովսկին գրում էր. «Մեկ ազգություն մյուսի դեմ ուզելու հիտլերյան քաղաքականությունը ձախողվեց: Վաշտի մարտիկները, նախկին կարմիրբանակայիներ, ռազմագերիներ, մտնելով հայկական լեզբոն, միմիայն երազել են այն մասին, որպեսզի հարմար ժամին անցնեն Կարմիր Բանակի կողմը և այն գեներ, որ ստացել են գերմանացիներից, դարձնեն նրանց դեմ, և հասավ այդ ժամը, Հայրենիքի պաշտպանների շարքերում նորից կանգնեցին նրա զավակները: Հետևյալ իսկ օրը վաշտը մարտի մեջ մտավ ջախջախելու Պոտիևկայի կայադորը, որի կազմի մեջ ինքն էլ էր մտնում: Դործողությունը կատարվեց փայլուն, թշնամին դուրս մղվեց ամրություններից և Պոտիևկան գրավվեց: Երիտասարդ պարտիզանները խիզախորեն էին մարտնչում Ռակի գյուղի մոտ: Հերոսներ՝ մահով զոհվեցին մարտիկներ Աբաջյանը և Բակունցը: Կասկած չկա, որ Միկոյանի անվան ջոկատի պարտիզանները զալիք մարտերում ևս ցույց կտան իրենց նվիրվածությունը Հայրենիքին»:

1943 թ. հոկտեմբերի սկզբներին, երբ Կարմիր Բանակի զորքերը Կիևի ռազմաթյամբ անցնում են Դնեպր գետը, իրադրությունն այնպես է դասավորվում, որ թշնամին պիտի նահանջեր Նաուսովի պարտիզանական միավորման

գրաված տերիտորիայով: Այդ օրերին հակառակորդը մեծ ուժեր է կենտրոնացնում Կորոստենում, Զապովիչում և Տուրչինկայում, նպատակ ունենալով պարտիզաններին դուրս քշելու Մալին-Ռոդոմիշչ-Ժիտոմիրի շրջաններից, ապահովելով իր թիկունքը: Այդ նույն ժամանակ պարտիզանական շարժման ուկրաինական շտաբի հրամանը պարտավորեցնում էր Նաուսովի միավորմանը՝ մնալ իր ուսյունում և գործել մինչև Կարմիր Բանակի գալը:

Միկոյանի անվան ջոկատին հանձնարարվում է գործել Կորոստեն-Տուրչինկա-Մալին եռանկյունում, խնդիր ունենալով թույլ չտալ օկուպանտներին Գերմանիա քշելու սովետական խաղաղ բնակչությանը, հացահատիկը, անասունները և ժողովրդի ունեցվածքը: Հսկել երկաթգծի և խճուղիների վրա, ամեն կերպ կտրել թշնամու նահանջի ճանապարհը, կատարել ակտիվ դիվերսիոն ակտեր:

Միկոյանի անվան ջոկատի մարտիկները և սպաները վաղուց կերպով էին կատարում իրենց խնդիրները: Լայն բացատրական աշխատանքներ էին տանում բնակչության մեջ, մասսայականացնում էին ընկեր Ստալինի հրամանները և ղեկուցումները, Կարմիր Բանակի հաջողությունների մասին եղած հաղորդումները: Ֆրոնտի մոտենալու կապակցությամբ, թիկունքի բնակչությանը կոնկրետ ցուցումներ էին տալիս նրանց անելիքների մասին, ղգուշացնում էին հացը դաշտից դուրս տեղափոխել, երբ գերմանացիները մոտենալ էին գյուղին, ջոկատի մարտիկները գյուղացիներին օգնում էին բոլոր անասունները անտառ քշել՝ թաքցնելու համար: Ամեն կերպ օգնում գերծ պահելու ժողովրդական ունեցվածքը թշնամու նահանջող բանակի ավերումներից ու հափշտակումներից:

Այդ ժամանակաշրջանում ջոկատը մի շարք լուրջ մարտեր մղեց Զլոբիչ գյուղի մոտ, Իրշա գետի վրա, ջախջախեց վլասովական կազակների մեկ բատալիոն, դեպի ռազմաճակատի գիծն ուղևորվող գերմանական մի քանի զորամասեր և տրանսպորտ: Այդ մարտերում ջոկատը հակառակորդին պատճառեց մեծ կորուստներ՝ 134 սպանված, 18 վիրավոր, պայթեցրեց 5 կամուրջ և գրավեց շատ ռազմաավար և սպառազինություն:

1943 թ. հոկտեմբերի 11-ին գերմանական օկուպացիոն զինվորական իշխանությունները ամենուրեք հրամաններ էին արձակել շրջապատել և ոչնչացնել Նաուսովի միավորումը: Հիտլերականների խոշոր ուժերը բոլոր կողմերից սկսեցին շրջապատել պարտիզանական ջոկատների գործողությունների հատվածները՝ գյուղերը, անտառները, ճանապարհները, քայլ առ քայլ հետապնդում էին պարտիզաններին: Պարտիզանական շարժման ուկրաինական շտաբը նկատի ունենալով միավորման համար ստեղծված սպառնալից դրությունը, Նաուսովին առաջարկում է Կիևի շրջանից անցնել ռազմաճակատի գիծը և միանալ գործող Կարմիր Բանակի զորամասերին:

Միավորումն իր ջոկատներով անցնում է այդ հրամանի կատարմանը: Հոկտեմբերի 19-ին, ժամը 14-ին փորձեր էր կատարում Միժերիչկայի մոտով անցնել Տետերև գետը: Այդ օպերացիայում Միկոյանի անվան ջոկատին հանձնարարվում է պաշտպանել զորամասի գետանցումը: Հիտլերականները տեղեկանալով ճակատի գիծն անցնելու մասին, հետևակի երկու բատալիոնով, զինքերի բոլոր տեսակների մրրկալի կրակի պաշտպանությամբ, դրոշի են անցնում գետանցման պաշտպանության վրա: Զնայած հակառակորդի ուժերի թվական պերզանցությանը և անընդհատ կրկնվող

նրանց համառ գրոհներին, Միկոյանականները ամուր պահում են իրենց դիրքերը և հակազորն չեն տվելով, մի քանի անգամ անցնելով ձեռնամարտի, մեծ կորուստներ պատճառելով հակառակորդին ետ են շարտում նրան իր ելման կետը։ Պաշտպանության հիմնական գծերում տեղի էր ունենում իսկական բանակային ընդթի մարտեր, կովի դաշտը մի քանի անգամ անցնում էր ձեռքից ձեռք։ Տեղերն զետի վրա շահելով մարտը, հայ պարտիզանները ցույց տվին կայունության և անձնադուրսության հերոսական օրինակ։ Այդ օրը թշնամին կորցնելով 100-ից ավելի սպանված և շատ սպառազինություն, հուսահատված հեռացավ մարտադաշտից։

Միկոյանի անվան ջոկատը տալիս է 9 սպանված, 12 վիրավոր ու անհետ կորած։ Այդ մարտում հերոսի մահով զոհվում է ջոկատի կոմիսար Յուրիյ Պավլովսկին։

Անցնելով գետը, թափանցելով Կոդրինյան անտառը, Միկոյանի անվան ջոկատի փորձված հետախույզներն սկսում են ֆրոնտի գիծն անցնելու հարմար տեղեր որոնել, բայց այստեղ հայտնի է դառնում, որ Ժիտոմիրի գերմանական կայազորը տեղյակ լինելով պարտիզանների անցման մասին, երեք հետևակային բատալիոնով, հրետանու, ականանետային մեծ ուժերով, 20 տանկերի ուղեկցությամբ, պատժիչ արշավախումբ է ուղարկել և փակել Կոդրինյան անտառի դեպի ֆրոնտի գիծը տանող բոլոր ճանապարհները, դարաններ է պատրաստել նաուսովի միավորումը լիկվիդացնելու համար։

Իրադրության բարդությունը, ռազմաճակատի գիծն անցնելու դժվարությունները նկատի ունենալով, նաուսովի միավորման հրամանատարությունը որոշում է ընդունում—գնալ ետ դեպի արևմուտք, թշնամու խորը թիկունքում շարունակել պարտիզանական պայքարը։

* * *

1943 թ. վերջերին Կարմիր Բանակի հարձակումները օրեցօր ծավալվում և մեծ չափերի էին հասնում։ Պարտված թշնամին ետ շարտվելով, վիրավոր զազանի կատաղությամբ, հրեշավոր չարագործություններ էր կատարում Սովետական օկուպացված տերիտորիաներում։

Ընկեր Ստալինը արտակարգ հոգատարությամբ գիտնելով և հանդերձավորելով պարտիզաններին, պարտիզանական շարժման առաջ խնդիր էր դնում՝ թափանցել թշնամու խոր թիկունքը, սերտորեն կապվել բնակչության հետ, օգնել, ոտքի հանել նրանց արդար հատուցման պայքարի, օժանդակել Կարմիր Բանակի առաջադրմանը և հարձակման նախաձեռնությունը պարտիզանների ձեռքում պահելու և անորոսալի մնալու համար, ընկեր Ստալինն առաջարկում էր կիրառել ռեյդի (արշավի) տակտիկան, հաճախակի փոփոխելով հարվածների և մարտական գործողությունների շրջանը։ Ինչպես հայտնի է, ռեյդի գաղափարն ընկեր Ստալինը առաջ էր քաշել դեռևս 1942 թ. օգոստոսի վերջերին Մոսկվայում հրավիրված պարտիզանական միավորումների հրամանատարների խորհրդակցության ժամանակ, երբ նա առաջարկություն էր անում, բնեպրի աջափնյա տերիտորիաներում բարձրացնելու պարտիզանական կովի դրոշը, այդ առաջին ռեյդը, որ ստացավ Ստալինյան փառապանծ անունը, իրականացվեց Սովետական Միության կրկնակի ձերոս, գեներալ-մայոր Կովալսկի կողմից, որը հաղթահարելով

անասելի դժվարությունները, իր միավորումով անցավ 10.000 կիլոմետր ճանապարհ, հասավ մինչև Կարպատյան լեռները, Կովպակը իր „От Пути-вля до Карпат“ աշխատության մեջ հիշելով Մոսկվայի խորհրդակցու-թյան մասին, ասում է. «Մեզ ճանապարհելիս՝ հրաժեշտի պահին, ընկեր Ստալինն ասաց. Գլխավորը, ընկերներ, ժողովրդի հետ ամուր կապ պահա-նեցեք և ձեռքի շարժումով ցույց տալով սեղանի շուրջ նստած մեզ բոլո-րիս, ժպտալով ասաց. Առայժմ դուք մեր երկրորդ ճակատն եք»¹։

Գեներալ-մայոր Նաումովի հեծյալ պարտիզանական միավորումը 1943 թ. նոյեմբերի սկզբներից սկսեց իր առաջին մեծ ռեյդը՝ Այդ ըն-թացքում Միկոյանի անվան ջոկատը ակտիվ դորժողություններով ընթա-նում էր կամ ավանդարդում, իբրև հարվածող ջոկատ, կամ միավորմանը հետապնդող թշնամու հարվածներից պաշտպանող արիերգարդ։

Կողերիսյան անտառից դեպի արևմուտք շարժվելու ժամանակ, Միկո-յանի անվան ջոկատը մանրամասն հետախուզելով հակառակորդին, իր շարժ-ման ուղղությամբ, մարտերով ճանապարհ էր հարթում միավորման համար։ Անցնելով հակառակորդի դարանների և կայազորների միջից, նա միավոր-մանը դուրս բերեց Ջամերի-Դերմանկայի շրջանը, Նոյեմբերի 1-ին հետա-խուզությունը տեղեկացնում է, որ դարձյալ Մալինից, Ռոդոմիրչից և Կո-րոստենից հիտլերականների պատժիչ մեծ ուժեր են դալիս դեպի արևմուտք շարժվող Նաումովի միավորման վրա։ Քուսսափելով նրանց հանդիպելուց, Միկոյանի անվան ջոկատը հինգ օր ու գիշեր իր ճանապարհին հանդիպած Ռիչկա, Բելա, Բանդալկա, Ժուբրովիչ, Ջուրկովիչ գյուղերի գերմանա-կան կայազորների դեմ համառ մարտեր մղելով, մի քանի անգամ օդից ուժեղ ուժակոծման ենթարկվելով, հոկտեմբերի 6-ին, տանջալի և դժվա-րին երթից հետո, հաջողվում է դուրս գալ և կարճ ժամանակով կտրվել հակառակորդի հետապնդումներից։ Այդ մարտերին մշտապես նախահարձակ լինելով, Միկոյանականները ոչնչացրին ավելի քան 200 հիտլերական, գրա-վեցին շատ ռազմաավար, կորուստ ունեցան մեկ սպանված և երկու վի-րավոր, Նոյեմբերի 14-ին դարձյալ վերսկսվում են մարտերը։ Միկոյանի անվան ջոկատը սրընթաց հարձակումով գրավելով էմելչինո գյուղը, նո-յեմբերի 17-ին իր հետախուզական ջոկի միջոցով, փորձված հետախույզ Մուկուչ Կարապետյանի և Ժորա Բաղդասարյանի հրամանատարությամբ, Ստեպանովկա գյուղի շրջանում և ճանապարհի վրա մի քանի օր շարունակ ավերում են թշնամու կապի և հաղորդակցության միջոցները, դարանից հրդեհում են ճակատի գիծն ուղևորվող գերմանական ավտոմեքենաները և նրանց անձնակազմը։ Այդ ժամանակաընթացքում պայթեցնում են 10—20 մետր երկարություն ունեցող 13 փայտյա կարևոր կամուրջներ և այլն։

Դեկտեմբերի 5-ին, էմելչինոյից դուրս շարժված թշնամին, համա-լրելով իր ուժերը, 300 հոգուց բաղկացած հետևակով, երեք տանկի, 4 զրա-համեքենայի և 122 միլիմետրանոց հրանոթի ուժեղ կրակի պաշտպանու-թյամբ, հարձակման են անցնում Նաումովի միավորման վրա։ Մարտի մեջ են մտնում «Ջերվոնի», «Կիևյան» ջոկատները։ Միկոյանի անվան ջոկատը իր վաշտերով, թշնամու կողմից շրջապատման սպառնալիքի պայման-ներում, համառ պաշտպանողական մարտեր մղելով՝ հնարավորություն է

¹ С. А. Ковпак—„От Путивля до Карпат“, ОГИЗ, 1945 г., стр. 85.

տալիս իր հարևան ջոկատներին գյուղից դուրս գալու: Մեկ ժամ տևող համառ մարտերում, հիտլերականները կորցնելով ավելի քան 30 սպանված, հրաժարվում են միավորմանը հետապնդելուց:

Հասնելով Սլուչ գետի ձախ ափին, միավորման համար ստեղծվում են նյութական ծանր պայմաններ: Սլուչ գետի ձախափնյա բնակչությունը, թալանված լինելու պատճառով, կենսամթերքով չէր կարող օգնել պարտիզաններին, բացի այդ, անհրաժեշտ էր կուտակված վիրավորներին սովետական թիկունք փոխադրել, զենք և ուղղամթերք ձեռք բերել: Լայդ ժամանակ ուկրաինական պարտիզանական շարժման շտաբի կողմից միավորմանը առաջարկվում է՝ ջոկատներից մեկի պաշտպանություն մակատի գծով տրանսպորտ ուղարկել սովետական թիկունքը պարտիզանական միավորումների մատակարարման կենտրոն: Օվրուչ քաղաքը զենք, կենսամթերք և ձմեռային հանդերձանք ստանալու համար: Միավորման հրամանատար գնեբրալ-մայոր Նաուսովի անձնական ընտրությամբ, այդ պատասխանատու խնդրի կատարումը առաջադրվում է Միկոյանի անվան հայկական պարտիզանական ջոկատին: Դրա համար նախ և առաջ անհրաժեշտ էր հավաքել սայլեր, սահնակներ, ձիեր, ճանապարհի համար կենսամթերքներ և այլն: Որոշվեց այդ անհրաժեշտ միջոցները վերցնել ուկրաինական նացիոնալիստներից, բուլբուլականներից և բենդերովցիներից:

Միկոյանի անվան ջոկատը կազմակերպված ձևով անցնելով Սլուչ գետը, զլխովին ջախջախում է Բիստրիչա, Մակվինա և Վուլկի-Պուպսկի գյուղերում տեղավորված ուկրաինական նացիոնալիստների խմբերին, որոնք, ծախված լինելով Հիտլերին, զենքը ձեռքերին բնաջնջում էին սովետական բնակչությանը, ավերում էին շեն Ուկրաինան: Երեք օր տևող համառ մարտերում, Միկոյանականները փայլուն հաղթանակ տարան. թշնամին մարտի դաշտում թողնելով 40 դիակ և շատ վիրավորներ, ցիր ու ցան եղավ: Օպերացիան ավարտելուց հետո ջոկատը հարուստ ավարով՝ անհրաժեշտ քանակությամբ ձիերով, սայլերով և կենսամթերքներով վերադառնում է միավորումը:

* * *

1943 թ. դեկտեմբերի 26-ին, Միկոյանի անվան հայկական պարտիզանական ջոկատը Բրոնիսլավկա գյուղից դուրս գալով, ուղարկվում է սովետական թիկունքը՝ զենք ու սպառազինություն բերելու: Միավորման հրամանատար գնեբրալ-մայոր Նաուսովը, կոմիսարի հետ միասին, ամբողջ հինգ կիլոմետր ուղեկցում են հայկական ջոկատին: Սրտառուչ կերպով հրաժեշտ տալով իր ուղեկներին, Նաուսովը ջերմորեն սեղմում է լուրջ ռամանատարների և քաղաշխատողների ձեռքը, հայրաքար համբուրում ջոկատի հրամանատար Հովսեփյանին, կոմիսարին և գիմելով ամբողջ անձնակազմին, ասում է. «Իմ լավագույն ջոկատին և լավագույն սպաներին ուղարկում եմ այս առաջադրանքը կատարելու, որի կարևորությունը դուք հրաշալի կերպով հասկանում եք: Տխուր կլինի ինձ համար առանց ձեզ, բայց ես հավատացած եմ, որ Միկոյանի անվան ջոկատը

և նրա հրամանատարութիւնը այստեղ ևս կհետեւն իրենց քաջարի դորամասի մարտական տրադիցիաներին»:

Ութսուն սայլից բաղկացած գումակով, ջոկատը, 40 կիւլոմետր դիշերային վտանգավոր և դժվարին երթից հետո, կանգ է առնում այրված գյուղի մոխիրների վրա հանգստանալու: Հանգստից հետո անցնելով թշնամու գորքերի խիստ հսկողութեան ենթակա տերիտորիայով, որն ամբողջապես վերածված էր պաշապանութեան բնագծերի, ջոկատը քողարկված կերպով դուրս է դալիս Կիւ—Կովել մագիստրալի Բելոկորովիչի և Օլեսկ քաղաքների միջև երկաթուղագծի շրջանը, որտեղից և այդ ժամանակ անցնում էր դերմանա-սովետական ռազմաճակատի գիծը: Հիտլերականները ամբողջ գծի ուղղութեամբ, անցուղիների մոտ, կառուցել էին գոտեր, խրամատներում տեղավորված էին զննարկիչներ և ականանետներ՝ իրենց անձնակազմերով:

Ջոկատի հետախուզութիւնը գիշերվա խավարում 36 ժամ շարունակ փնտրում էր երկաթգիծն անցնելու համար անցուղի. օր ու գիշեր գծի վրա շրջագայող զրահագնացքը խիստ խանգարում էր ջոկատի գումակի անցմանը: 1943 թ. դեկտեմբերի 31-ին վերջնականապես որոշվեցին անցման տեղերը: Նոր տարվա գիշերվա ժամը 12-ից անց 30 րոպեին, առաջին վաշտի պաշտպանութեամբ, ջոկատի հետևակն ու գումակը սկսեցին առաջ շարժվել: Բեռ գումարտակը չէր հասել քանդված երկաթգծին, երբ քողարկված թըշնամին սկսեց ամեն տեսակի զենքերից փոթորկալի կրակ թափել գիծն անցնող սայլերի և հետևակի վրա: Չորս կողմից թռչում էին լուսատու զննարկները, աջ ու ձախ պայթում էին ականները, հողը դղրդում էր աղմուկից, բազմաթիվ զննարկիչներից արձակած զննարկները մահ էին սփռում շորս կողմը: Այդ բարդ իրադրութեան մեջ, հայ պարտիզանները, առանց շփոթվելու, պայթած արկերից անցուղու վրա փշրված սայլերի և սպանված ձիերի դիակներից ճանապարհը մաքրելով, առաջ էին շարժվում: Անցումը պաշտպանող վաշտի մարտիկները զննարկային մրկային իրենց կրակով հիտլերականներին չէին թողնում գծին մոտենալու, մթութեան մեջ կողմնորոշվելով, սրընթաց գրոհով նրանք ներխուժում էին հակառակորդի գոտերը, ճնշում ականանետների և զննարկիչների կրակը: Առավոտյան կողմը անցումն ամբողջապես ավարտվեց: Յոթ օր ու գիշեր անընդհա մարտերով, նվաղագույն կորուստներ կրելով, Միկոյանի անվան ջոկատը կարճատև հանգստի կանգ առավ, թաքնվեց ռազմաճակատի գծի մոտ, ճահճներում: Դուրս գալով սովետական թիկունքը, 1944 թ. հունվարի 1-ին ջոկատը իր ամբողջ կազմով ժամանեց Օվրուչ քաղաքը:

Սովետական թիկունք հասնելով, ջոկատի հրամանատար Հովսեփյանը Կարմիր Բանակի հրամանատարութեանն է ներկայացնում Նաումովի միավորման կողմից իրեն տրված վկայագիրը հետևյալ բովանդակութեամբ. «Սույնը ներկայացնող Ա. Մ. Հովսեփյանը իրոք հանդիսանում է Սովետական Միութեան Հերոս, գեներալ-մայոր Նաումովի Ուկրաինական պարտիզանական միավորման Միկոյանի անվան հայկական պարտիզանական ջոկատի հրամանատարը: Համաձայն Ուկրաինական պարտիզանական շարժման շտաբի պետական անվտանգութեան կոմիսար ընկ. Ստրոկաչի կարգադրու-

¹ ՀՍՍՌ Գիտ. Ակադ. Գառմ. Ինստիտ. Հայր. պատ. պատմ. հարիւնեւի տրիւվ. Ժող. Ծ-ըդ. Գ. 208, էջ 22:

թյան, ուղարկվում է Օվրուչ քաղաքը 280 մարդուց բաղկացած խումբ և 80 սայլերով, միավորման համար զենք, զինամթերք, ռադիոկայան և ռադիո-մարտկոց (батарей) ստանալու համար...»:

Մի քանի օրվա ընթացքում հաղթահարելով մի շարք տեխնիկական դժվարություններ, ջոկատն իր ամբողջ կազմով հաջողությամբ վերադառնում է ղեկի պարտիզանական միավորումը, բերելով անհրաժեշտ քանակությամբ զենք և զինամթերք, փայլուն կերպով կատարելով իրեն վրա դրված դժվարին, բայց պատվավոր առաջադրանքը:

Հպարտ էին հայ պարտիզաններն իրենց պատվավոր կոչումով: Հայրենիքի ազատության ազնիվ զղացմունքներով լցված, նրանք պայքարում էին թշնամու դեմ, փայփայելով մոտակա հաղթանակի հավատը և ապագա խաղաղության բերկրանքը:

* * *

1944 թ. հունվարին Նաումովի պարտիզանական միավորումը ուրիշ մի շարք պարտիզանական միավորումների հետ միասին, ուկրաինական պարտիզանական շարժման շտաբից առաջադրանք ստացավ դուրս գալու 1939—1941 թվերի սովետական-գերմանական սահմանագիծը, պարտիզանական պայքարի դրոշմ բարձրացնել օկուպացված այն տերիտորիաների վրա, ուր ղեկեռ պարտիզանները բոլորովին չեն եղել, կազմալուծել թշնամու դիմադրությունը, ղրկել նրան ղեկի ռազմաճակատի գիծը համալրումներ ուղարկելու հնարավորությունից:

Անհրաժեշտ նախապատրաստություններից հետո 1944 թ. հունվարի վերջերից միավորումը սկսեց շարժվել ղեկի արևմուտք: Սլուչ գետից 70 կիլոմետրի վրա միավորման զորամասերը հանդիպեցին վերադարձող պարտիզանական մի շարք միավորումների հրամանատարներին, որոնք անհնարին էին համարում ֆրոնտի այդ տեղամասերում գործել թշնամու թիկունքում: Ինչպես հայտնի է այդ մարշրուտով, որն ստացավ «Ստալինյան ռեյդ» անունը, առաջին անգամ գնացել էր Սովետական Միության կրկնակի հերոս գեներալ-մայոր Կովալսկի միավորումը, նրանից ետ չմնաց նաև Նաումովի միավորումը, որն իր խիզախներով ջախջախելով թշնամու բազմաթիվ կայազորները, դորքերի խմբավորումները, դուրս եկավ Լվովի նահանգի արևմտյան սահմանագիծը: Հակառակորդը ամենուրեք կատաղի դիմադրություն էր ցույց տալիս, ձգտում էր ամեն գնով կասեցնել պարտիզանների երթը: Այդ կարգով արտասովոր մարտեր ծավալվեցին Լվով—Պերեմիշլ երկաթուղագծի վրա Յարոսլավ-Ռավա-Ռուսկայա և ապա Բրոդ քաղաքների շրջաններում:

Ինչպես միշտ, երրորդ ռեյդում նույնպես, Միկոյանի անվան ջոկատը փայլում էր իր հերոսությամբ: Այդ ծանր ռեյդի ամբողջ ընթացքում նա հանդիսացավ գեներալ-մայոր Նաումովի ամենահուսալի հարվածող բաժնեցի: Առանձին սիրով փայփայելով հայ պարտիզաններին, նա հիացմունքով և հպարտությամբ մշտապես ընդգծում էր՝ «Միկոյանի անվան ջոկատը փառաբանվում է ոչ միայն այն բանի համար, որ լավ է հարվածում գերմանացիներին, այլ նաև նրա համար, որովհետև նա Ուկրաինայում, մեր Սովե-

տական Հայրենիքի համար պայքարող աղջային միակ պարտիզանական ջոկատն էր¹։

Դեպի արևմուտք միավորման մարտական երթի առջևիցն էր դնում Միկոյանի անվան ջոկատը։ 1944 թ. փետրվարի 1-ից ջոկաառ առաջին մարտը տվեց Վորոտնև գյուղում, որից հետո ճարպիկ տեղաշարժերով, 13 օրվա համառ առաջարժույթով, միավորման մյուս ջոկատների հետ միասին, հասավ Պերեմիշլ-Լվով երկաթգծին։ Այդ երթում հերոսի մահով զոհվեց ջոկատի շտաբի պետ ավագ լեյտենանտ Լորաչ Ֆեոդոր Պավլովիչը։

Այդ շրջանում Լացկա կայարանի մոտ ջոկատը կայծակնային արագությամբ գրոհեց թշնամու վրա, որն զբաղված էր նոր ժամանած զինվորական էջելոններ դատարկելով։ հիտլերականները մեծ կորուստներ կրեցին, իսկ Միկոյանականները գրավեցին ռազմամթերքի հարուստ պաշար։

Պարտությունից կատաղած, վիրավոր գազանի նման, գերմանացիները Լվովի մարզում եղած բոլոր կայազորներին ոտքի հանեցին, մեծ ուժեր դուրս բերեցին Նաուսովի միավորման դեմ, ամեն կողմից սկսեցին հետապնդել պարտիզաններին։ Պարտիզաններն ստիպված էին օր ու գիշեր համառ մարտեր մղել թշնամու գերազանց ուժերի դեմ և այգպես առաջ շարժվել, իրենց կողմն ունենալով բնակչության բացարձակ համակրանքը և սերը։

Պերեմիշլ-Լվով երկաթգծին անցնելու մոմենտին, ջոկատի հետ էր առաջ շարժվում միավորման հրամանատար Նաուսովը։ Զիժկի և Ռուսաայեչկո գյուղերում թշնամին, ավելի քան 400 գերմանական և հունգարական զինվորներով, հարձակվեց ջոկատի վրա, բայց հանդիպելով Միկոյանականների գնդացիների տեղատարափ կրակին, սեղմվեց գետին։ Մուժն ընկնելուց հակառակորդը նոր համալրումներ ստանալով, մոտ է բերում մեծ քանակությամբ հրետանի և ականանետներ։ Վերսկսած մարտի ընթացքում հիտլերականները պարտիզանների վրա բաց են թողնում արկերի կատարյալ հեղեղ։ Միկոյանականները համառությամբ պահում են իրենց դիրքերը և միայն գիշերը, հրամանի համաձայն, ետ են քաշվում դեպի Ռուսաայեչկո գյուղը, բայց այստեղ նույնպես թշնամին սմբն կողմից դարաններ էր սարքել։ Գյուղի ծայրամասերի և կենտրոնի տները այրվում էին, տասնյակ հաստոցավոր գնդացիներից տեղատարափ կրակ էր թափվում գյուղը մտնող ջոկատի վաշտերի վրա, աստիճանաբար թշնամու օղակը սեղմվում էր միավորման շուրջը։ Այդ կրիտիկական մոմենտին Միկոյանի անվան ջոկատին հանձնարարվում է ամեն զենով միջոցներ ձեռք առնել ճանապարհ բաց անելու միավորման համար։ Անցնելով առաջադրանքի կատարմանը, ջոկատի հրամանատար Լովսեփյանը անձամբ առաջնորդելով իր մարտիկներին, իր վաշտերի փոխդորժողությամբ, անձանոթ տեղանքում չորս անգամ ենթարկվելով թշնամու շատ ուժեղ գրոհներին, լուսաբացին ճեղքում է թշնամու օղակումը և հնարավորություներ է ստեղծում միավորման համար ետխաղացում կատարելու Պերեմիշլ-Լվով երկաթուղագծից ետ, դեպի հյուսիս-արևելք։ Այդ ժամանակվանից սկսած հակառակորդը հետևակային, զրահատանկային և ավիացիոն մեծ ուժե-

¹ ԼՍՍՌ ԳԱ Գրամ. Ինստ. Հայրեն. պատեր. պատմ. հարիւնեւի արխիւ. Ֆոնդ 6-րդ, գ. 208, էջ 1։

րով «կսում է կրնկակոխ հետապնդել միավորմանը, նրան ոչնչացնելու ցանկությամբ» Այս շրջանում Ռուվա-Ռուսկայայի մոտերքում Միկոյանի անվան ջոկատը արյունահեղ մի շարք մարտերում ծանր կորուստներ է ունենում։ Նարոլ դյուղի փողոցներում համառ կռվի ժամանակ հերոսի մահով ղոհվում են մարտերում աչքի ընկնող հերոսներ, ջոկատի պարտկադմակերպիչ ժորա Բաղդասարյանը և առաջին վաշտի ջոկի քաղղեկ Սուխարիչ Հարությանը։ Թշնամուն այս անգամ ես չհաջողվեց շրջապատել և ոչնչացնել հերոսական ջոկատին։

Միավորումը շարժվում է դեպի արևելք։ Այդ օրերին նրանք անվերջ մարտերի մեջ էին։ Հասնելով Կապիչ-Վոլյա դյուղը, պարտիզանները դարձյալ ընկնում են թշնամու վաղօրոք սարքած դարանների մեջ։

Ինչպես հայտնի դարձավ, գերմանացիները որոշել էին պարտիզանների ջարդ կազմակերպել Բուգի մատույցներում, որի համար մեծ ուժեր էին կենտրոնացրել և ամենուրեք դարաններ սարքել պարտիզանների շարժման ճանապարհներին։ Անհրաժեշտ էր ճեղքել թշնամու այդ ամրությունները, Բուգի կամուրջով անցնել գետի արևելյան ափը։

Այս անգամ գեներալ-մայոր Նաումովը անձամբ ինքն անցնելով Միկոյանի անվան ջոկատի դյուղը, որը դարձյալ ընթանում էր ավանգարդում, գրոհի առաջնորդեց մարտիկներին, նպատակ ունենալով ջախջախել և դուրս գալ թշնամու դարանների շրջանից և թեկուզ մի որոշ ժամանակով կտրվել թշնամու հետապնդումներից, միավորման ուժերը վերախմբավորելու համար։

Միկոյանի անվան ջոկատի ետևիցն էին գնում միավորման ամբողջ գումակը, հեծելազորը և մնացած ջոկատները։ Միկոյանականները քաջ գիտեին, որ միավորման ամբողջ բախտը կախված է իրենց հաջող գործողություններից։

Կատարելով միավորման հրամանատարի մարտական առաջադրանքը, պարտիզանները արհամարհելով թշնամու կատաղի դիմադրությունը և տեղատարափ կրակը, անտառից դուրս եկան բացատը։ Երբ հուժկու ուսայով առաջ անցան Միկոյանականները, մյուս բոլոր ջոկատները հետևեցին նրանց, թշնամին չդիմանալով, փախուստի դիմեց, և հաջողությամբ ցրվ տրվեցին թշնամու դարանները։ Մյուս օրը 1944 թ. մարտի 9-ին, ջոկատը Բուգ գետի վրայով անցնող երկաթուղային կամուրջի վրա գերմանական օդանավերի և զրահագնացքի դեմ կարճատև մարտեր մղելուց հետո, ամբողջ միավորումը հաջողությամբ փոխադրվում է Բուգի մյուս ափը։

Միառժամանակ կտրվելով թշնամու հետապնդումից, միավորումը տեղավորվում է Մոնաստիրեկ, Ստանիսլավչիկ, Զրբոյև և Տուրգե գյուղերում։ Մերձֆրոնտային այդ շրջանում Միկոյանի անվան ջոկատը դադարեց մի շարք դիվերսիոն խոշոր գործողություններով, պայթեցրեց կամուրջներ, ավերեց կապի միջոցները և կոմունիկացիաները։ Մարտի 12-ին և 14-ին, տեղի նացիոնալիստների մատնությամբ, ջոկատը ենթարկվում է մինչ 50 ֆրոնտային օդանավերի ինտենսիվ ուժեղացման, նրանից հետո թշնամին մոտ է քաշում հետևակի մեծ ուժեր՝ 15 տանկի, 2 զրահամեքենայի, հրետանու և 6 փողանի ականանետների ուղեկցությամբ անցնում է հարձակման։ Անիմաստ համարելով դիմադրությունը, Միկոյանի անվան ջոկատը առանց մարտն ընդունելու, միավորման հետ միասին, ճարպիկ տեղաշարժերով հեռանում են այդ վայրից և մոտենում Բրոդ քաղաքին։

1944 թ. մարտի 20-ին Ուկրաինական Առաջին Ռազմաճակատի զորքերը ջախջախելով թշնամուն, շարժվում էին Ձերնովիցի, Պրոսկուրովի և Տարնուպոլի վրա, Լվովի ուղղությամբ դնենրալ Պուխովի զորքերը մոտեցել էին Բրոդ քաղաքին և համառ մարտեր էին սկսել թշնամու համառորեն դիմադրող ուժերի դեմ։ Այդ նույն ժամանակ Բրոդի շրջակայքում էր գրանվում նաուսովի պարտիզանական միավորումը, որը որոշում էր ընդունել թիկունքից հարված հասցնել նահանջող թշնամու զորքերին և օգնել Գարմիր Բանակին առաջ շարժվելու։

Միկոյանի անվան ջոկատին հանձնարարվեց կտրել թշնամու Բրոդից հյուսիս և հյուսիս-արևմուտք նահանջի ճանապարհները։ Եվ անցնելով առաջադրանքի կատարմանը, ջոկատը իր վաշտերով ներփակում է Բրոդի երկաթուղային կայարանում ուղղման բեռների և բոնի կերպով սովետական խաղաղ բնակչությանը Գերմանիա էվակուացնելու համար կանգնած հինգ էշելոնները։ Երեկոյան, ինչպես որ պայմանավորված էր Կարմիր Բանակի հրամանատարության հետ, պետք է սկսվեր Բրոդի գրավման համառառ հարձակումը։ Ժամը 17-ին հնչում են տանկային զորքերի գնենրալ-մարտի Պուխովի հրետանու առաջին համադարկերը Բրոդի խճուղու վրա և «Ձեռվոննի» կոչվող ջոկատն անմիջապես մարտի մեջ է մտնում գերմանական պահակախմբի դեմ։ Նույն բուպին կայարանից դեպի Լվով են շարժվում սովետական հրետանու հարվածներից փախչող դատարկ վագոններից կազմված գերմանական էշելոնները, նրանց հետևում է նաև զրահազնացքը։ Կամուրջի վրա Միկոյանի անվան ջոկատի երկրորդ վաշտի մարտիկները բոլոր տեսակի գնեքներից տեղատարափ կրակ են արձակում հիտլերականների վրա, ձեռքի նռնակներով հրդեհում են կամուրջի տակից անցնող մեկ էշելոն, շարքից գուրս են բերում զրահազնացքի պլատֆորմայի վրա դրված գնդացիները, ականանետները և նրանց անձնակազմերը, կայարանի շուրջը սեղմելով օդակը, Միկոյանականները չեն թույլ տալիս կայարանից դուրս գալու մնացած երկու էշելոններին։ Այդպիսով ազատագրում են 400 սովետական խաղաղ քաղաքացիների, որոնց հիտլերականները մահվան սարսափի տակ վագոնները խցկելով, ցանկանում էին ստրկության քչել դեպի Գերմանիա։ Պարտիզանները Բրոդում անձնուրաց կերպով կռվում էին սովետական և գերմանական բանակների խոշոր ուժերի և նրանց հզոր գնեքների փոթորկվող երկկողմանի կրակների մեջտեղում։

Մարտի 21-ին պարզվեց, որ օպերատիվ իրադրությունը փոխվել է։ Կարմիր Բանակի կողմից Բրոդի գրավումը այդ օրը տեղի չունեցավ։ Պարտիզանները փորձեցին իրենց ուժերով գրավել քաղաքը, բայց հետախուզությանը տեղեկացրեց, որ թշնամու զորքերը շատ նպաստավոր են և այդ հնարավոր չէ։

Մարտի 21—22-ի ամբողջ գիշերը թշնամին նորանոր զրահաանկային և հետևակի ուժեր էր բերում Բրոդի պաշտպանության համար։ Պարտիզանական միավորումը չունենալով անհրաժեշտ ռազմամթերք՝ թիկունքում մարտերը շարունակելու համար, մարտի 22-ի գիշերվա ժամը 23-ին հրամանատարության առաջադրանքով Միկոյանի անվան հայկական պարտիզանական ջոկատը միավորման մյուս ջոկատների հետ միասին դուրս գալով պաշտպանության իրենց զիրքերից, անցնում են դեպի սովետական թիկունքը և միանում Կարմիր Բանակի զորամասերին։

Դրանով ավարտվում են Սովետական Միության Հերսոս գեներալ-մայոր Նաումովի միավորման Միկոյանի անվան պարտիզանական հայկական ջոկատի մարտական գործողությունները թշնամու թիկունքում:

Յոթ ամիս շարունակ, գիշեր ու ցերեկ, սառնամանիքների ու անձրևների տակ անասելի գրկանքներ կրելով, հայ պարտիզանները Կիևի, ժիտոմիրի, Գոմելի, Լվովի, Լյուբլինի մարզերում հերոսաբար ավելի քան 25 խոշոր մարտեր մղեցին գերմանական օկուպանտների դեմ:

Ոչ լրիվ տվյալներով (որովհետև գործողությունները մեծ մասամբ կատարվում էին գիշերները), Միկոյանի անվան ջոկատը ոչնչացրել է 800 հիտլերական, ջախջախել է չորս կայազոր, զինվորական մեկ էջելոն, 23 կապի և ոսգիոյի հանգույց, ոչնչացրել է 6 տանկետկա, 21 կամուրջ, 13 ավտոմեքենա, մեկ ավազանորոգման արհեստանոց, մեկ յուղի գործարան, 9000 լիտր սպիրտ, ոչնչացրել և մասամբ ավար է վերցրել 11 գնդացի, 9 ավտոմատ, 118 ձի, 54 գումակ, 87 ականանետ՝ ականներով, 12 կիլոմետր հեռախոսագիծ, 53.000 փամփուշտ, զինվորական հանդերձանք, 6 պահեստ, օկուպանտներից խլել և բնակչությանն է բաժանել 10 տոննա ալյուր, գերությունից ազատել է 400 սովետական խաղաղ բնակիչների: Մարտերի ընթացքում ջոկատը կորուստներ է ունեցել ընդամենը 169 մարդ (61 սպանված, 69 վիրավոր, 39 անհետ կորած):

1943 թ. սեպտեմբերի 16-ից մինչև 1944 թ. մարտի 22-ը Միկոյանի անվան հայկական պարտիզանական ջոկատը, համալրումներով մեկտեղ, իր շարքերում ունեցել է ընդամենը 325 մարդ:

Հայ պարտիզաններն իրենց գործունեության մար սովետական հայրենասիրության հրաշալի օրինակ ցույց տվին Ուկրաինայում, որի համար ուկրաինական հերոս ժողովուրդը երախտագիտության խոր զգացմունքով է լցված դեպի եղբայրական հայ ժողովուրդը: «Եթե մենք գնահատում ու հարգում ենք նրանց, ովքեր վտանգի ենթարկվելով իրենց կյանքը, հերոսաբար պաշտպանում էին անմիջականորեն իրենց տունը, իրենց օջախն ու ընտանիքը,—ասում է նավատորմի ծովակալ Իսակովը Հայրենական պատերազմի մասնակից հայ ազգակիցների մասին,—ապա էլ ավելի պետք է սիրենք ու ըստ արժանավոյն գնահատենք նրանց, ովքեր առանց երկար մտածելու, արյունահեղ մարտերի մեջ էին մտնում իրենց տնից երկու-երեք հազար կիլոմետր հեռու եղբայրական ռեսպուբլիկաների հողում՝ պաշտպանելով ընդհանուր գործը, ընդհանուր ունեցվածքը: Ահա սա է հայրենասիրության բարձրագույն ձևը. սովետական հայրենասիրությունը, սրով մեզ դաստիարակել են Լենինն ու Ստալինը: Սա նույնպես անխախտ է, ինչպես այն, որ ողուների, ուկրաինացիների, բելուսուսների և Միկոյան մյուս ժողովուրդների ներկայացուցիչների հերոսությունը կատարվում էր հանուն հաղթանակի, ընդդեմ ընդհանուր թշնամու, ի երջանկություն բոլորի, այդ թվում նաև հանուն հայ ժողովրդի անկախության և ազատության»¹:

¹ Ի Ս Իսակով—«Հայ ծովայինները Հայրենական Մեծ պատերազմում», Երևան, 1946 թ., էջ 18: